



Broj/Број: 03/1-50-1-9-29/08
Sarajevo/Сарајево, 20.11.2008.godine

Z A P I S N I K

29. sjednice Zajedničke komisije za odbranu i sigurnost BiH Parlamentarne skupštine BiH, održane 20. 11. 2008., u vremenu od 12,15 do 12,45 sati

Sjednici su prisustvovali članovi Zajedničke komisije: Branko Zrno, Šefik Džaferović, Slobodan Šaraba, Vinko Zorić, Dušanka Majkić, Jozo Križanović, Mirko Okolić, Ivo Miro Jović i Adem Huskić.

Odsustvo su opravdali: Sulejman Tihiić, Hazim Rančić i Drago Kalabić.

Sjednici su prisustvovali i gosti, kao i predstavnici Sekretarijata Parlamentarne skupštine BiH:

- Marina Pendeš, zamjenik ministra odbrane BiH,
- Dragiša Mekić i Midhat Izetbegović, Ministarstvo vanjske trgovine i ekonomskih odnosa BiH,
- Lejla Dizdarević i Lejla Hadžihasanović, Štab NATO-a,
- Zoran Brkić, Sektor za odnose s javnošću PSBiH,
- Dragica Hinić, sekretar Zajedničke komisije za odbranu i sigurnost BiH, Željko Grubešić, stručni savjetnik, i Jovica Katić, stručni saradnik.

Sjednicom je predsjedavao **Branko Zrno**, predsjedavajući Zajedničke komisije za odbranu i sigurnost BiH. Na razmatranje je dao dnevni red koji su članovi Zajedničke komisije dobili u pozivu za sjednicu. Informirao je članove Komisije da su u međuvremenu dostavljeni:

-Poziv za učešće na Drugom seminaru vojnoobavještajnog roda OSBiH, koji treba da bude održan od 26. do 28. 11. 2008. u Domu OSBiH u Sarajevu,

-Poziv za učešće na trening-seminaru za parlamentarne savjetnike zemalja jugoistočne Evrope, koji treba da bude održan u Ženevi, od 8. do 12. 12. 2008., te

-Poziv za prisustvo međunarodnoj konferenciji za povjerenike za vojsku, koja treba da bude održan u Berlinu, od 10. do 12. 5. 2009., povodom 50. godišnjice početka rada prvog vojnog povjerenika Bundestaga.

Također je istakao da su članovima Komisije naknadno dostavljene dvije informacije, i to: Informacija o održanoj prezentaciji i predavanju za učesnike kursa o temi „Sigurnosna politika BiH“, te Informacija o održanoj radionici o temi: „Stanje u oblasti naoružanja i municije u BiH“, održane u Bihaću, od 28. do 30. 10. 2008. Predložio je da se dnevni red ove sjednice, tačka koja se odnosi na tekuća pitanja, dopuni s navedena tri poziva i dvije informacije. Također, naveo je i da je članovima Komisije, isključivo radi informiranja, dostavljen i revidirani Nacrt sporazuma o projektu kontrole i redukcije malog i lakog naoružanja i municije za period 2005.-2011., koji je dostavilo Ministarstvo odbrane BiH.

Članovi Zajedničke komisije potom su jednoglasno prihvatili prijedlog dopune dnevnog reda, kako slijedi:

DNEVNI RED

1. Usvajanje zapisnika 26. i 28. sjednice Zajedničke komisije;
2. Razmatranje Prijedloga zakona o izmjenama i dopunama Zakona o proizvodnji naoružanja i vojne opreme, druga komisijska faza (predlagač: Vijeće ministara BiH);
3. Izvještaj o provođenju tranzicije u odbrambenom sektoru za august, septembar i oktobar 2008. (podnosilac: Ministarstvo odbrane BiH);
4. Zahtjev Kolegija Predstavničkog doma PSBiH za ponovnim razmatranjem dopisa Ministarstva vanjskih poslova BiH o predlaganju kandidata za spisak visokih konsultanata za pitanje reforme sigurnosnog sektora;
5. Tekuća pitanja:
 - a) Poziv predsjedavajućem Zajedničke komisije za prisustvo 55. sjednici Skupštine za evropsku sigurnost i odbranu (Skupština Zapadnoevropske unije), Pariz, od 2. do 4. 12.2008.;
 - b) Informacija sa DCAF 17. trening- seminara za parlamentarne savjetnike za odbranu i sigurnost zemalja JE, Beograd, od 22. do 26. 9. 2008.;
 - c) Informacija o održanom sastanku predstavnika Zajedničke komisije s članovima Političko-sigurnosnog komiteta Vijeća EU, 18. 9. 2008.;
 - d) Informacija o sastanku s vojno-političkim savjetnikom u Ambasadi SAD-a u BiH, 19. 9. 2008.;
 - e) Informacija o sastanku NATO koordinacionog tima Vijeća ministara BiH, Mostar, 19. 9. 2008.;
 - f) Informacija o prisustvu seminaru o temi „Kodeks ponašanja OSCE-a“, Vlačić, 9.10.2008.;
 - g) Informacija o radionici o temi „Prijedlozi budžeta institucija odbrambenog i sigurnosnog sektora na nivou BiH za 2009.;
 - h) Informacija o radnoj posjeti Ministratsvu odbrane i strukturama civilne zaštite Republike Austrije, Beč, od 23.do 25.10.2008.;
 - i) Informacija o sastanku NATO koordinacionog tima Vijeća ministara BiH, Vlačić, 23.10.2008.;
 - j) Informacija o sastanku s predstavnicima DCAF-a iz Ženeve, 27.10.2008.;
 - k) Poziv za učešće na Drugom seminaru vojnoobavještajnog roda OSBiH, koji treba da bude održan od 26. do 28. 11. 2008. u Domu OSBiH u Sarajevu;
 - l) Poziv za učešće na trening-seminaru za parlamentarne savjetnike zemalja jugoistočne Evrope, koji treba da bude održan u Ženevi, od 8. do 12. 12. 2008.;
 - m) Poziv za prisustvo međunarodnoj konferenciji za povjerenike za vojsku, koja treba da bude održan u Berlinu, od 10. do 12. 5. 2009., povodom 50. godišnjice početka rada prvog vojnog povjerenika Bundestaga;
 - n) Informacija o prezentaciji i predavanju za učesnike kursa o temi „Sigurnosna politika BiH“, 4. 11. 2008.;
 - o) Informacija o radionici o temi: „Stanje u oblasti naoružanja i municije u BiH“, održane u Bihacu, od 28. do 30. 10. 2008.

Ad. 1. Usvajanje zapisnika 26. i 28. sjednice Zajedničke komisije

Zapisnici 26. i 28. sjednice Zajedničke komisije usvojeni su jednoglasno, sa devet glasova „za“.

Ad. 2. Razmatranje Prijedloga zakona o izmjenama i dopunama Zakona o proizvodnji naoružanja i vojne opreme, druga komisijska faza (predlagač: Vijeće ministara BiH)

Branko Zrno informirao je članove Zajedničke komisije da se Prijedlog zakona nalazi u drugoj komisijskoj fazi i napomenuo da je amandmane u međuvremenu podnijela Dušanka Majkić. Potom je zamolio predlagača Zakona da uzme riječ

Dragiša Mekić, iz Ministarstva vanjske trgovine i ekonomskih odnosa BiH, istakao je da je cilj izmjena i dopuna ovog zakona otklanjanje nejasnoća nastalih prilikom njegovog donošenja. Naveo je i činjenicu da je ovo ministarstvo Vijeću ministara BiH uputilo zahtjev za korekciju dva člana Prijedloga zakona, a koje je Vijeće ministara BiH na svojoj sjednici izmijenilo u odnosu na predloženi tekst koji je dostavilo Ministarstvo. U vezi sa svojim zahtjevom, nisu dobili izjašnjenje.

Marina Pendeš navela je da u ne može ništa reći o ovom prijedlogu zakona, jer nije stigla iščitati prijedlog njegovih izmjena i dopuna.

Šefik Džaferović konstatirao je činjenicu da je predstavnik Ministarstva vanjske trgovine i ekonomskih odnosa BiH iznio svoj stav o Prijedlogu zakona, da postoji oficijelni stav Vijeća ministara BiH koji je predstavljen predloženim izmjenama i dopunama, da se predstavnik Ministarstva odbrane BiH nije mogao očitovati o Prijedlogu zakona, te da postoje amandmani Dušanke Majkić. Imajući u vidu navedeno, predložio je da se Komisija na ovoj sjednici ne izjašnjava o Prijedlogu zakona u drugom čitanju, već da se od Kolegija Predstavničkog doma zatraži produženje roka za dostavljanje Izvještaja, a od Vijeća ministara BiH mišljenje o zahtjevu Ministarstva vanjske trgovine i ekonomskih odnosa BiH.

Članovi Komisije potom su jednoglasno prihvatili prijedlog Šefika Džaferovića.

Ad. 3. Izvještaj o provođenju tranzicije u odbrambenom sektoru za august, septembar i oktobar 2008. (podnosilac: Ministarstvo odbrane BiH)

Marina Pendeš, zamjenica ministra odbrane BiH, navela je da su članovi Zajedničke komisije dobili Izvještaj, te istakla da stoji na raspolaganju članovima Komisije za sva eventualna pitanja vezana za njega.

Kako nije bilo rasprave, članovi Zajedničke komisije jednoglasno su, sa devet glasova „za“, usvojili Izvještaj o provođenju tranzicije u odbrambenom sektoru za august, septembar i oktobar 2008.

Ad. 4. Zahtjev Kolegija Predstavničkog doma PSBiH za ponovnim razmatranjem dopisa Ministarstva vanjskih poslova BiH o predlaganju kandidata za spisak visokih konsultanata za pitanje reforme sigurnosnog sektora

Branko Zrno upoznao je članove Komisije da je Kolegij Predstavničkog doma PSBiH ponovo uputio Zajedničkoj komisiji obavještenje Ministarstva vanjskih poslova BiH o zahtjevu Sekretarijata UN-a za dostavom prijedloga kandidata za spisak visokih konsultanata za pitanje reforme sigurnosnog sektora. Kako aktivnosti na traženom polju zahtijevaju izuzetno dug vremenski angažman, koji u ovom trenutku zbog prevelikog obima posla nije prihvatljiv, on je predložio da se Kolegij ponovno informira da Komisija nema prijedlog kandidata za ovu poziciju.

Članovi Komisije jednoglasno su, sa devet glasova „za“, prihvatili prijedlog Branka Zrne.

Ad. 5. Tekuća pitanja:

- a) **Poziv predsjedavajućem Zajedničke komisije za prisustvo 55. sjednici Skupštine za evropsku sigurnost i odbranu (Skupština Zapadnoevropske unije, Pariz, od 2. do 4. 12.2008.)**

Branko Zrno informirao je članove Komisije da je od Skupštine Zapadnoevropske unije dostavljen poziv na njegovo ime za učešće na 55. sjednici Skupštine za evropsku sigurnost i odbranu, te da ako on ne može prisustvovati skupu, delegira nekog od ostalih članova Komisije. Konstatirano je da ni Branko Zrno kao ni ostali prisutni članovi Komisije neće biti u mogućnosti prisustvovati ovom dešavanju.

- b) **Informacija sa DCAF 17. trening- seminara za parlamentarne savjetnike za odbranu i sigurnost zemalja JE, Beograd, od 22. do 26. 9. 2008.**

Zajednička komisija primila je k znanju Informaciju sa DCAF 17. trening-seminara za parlamentarne savjetnike za odbranu i sigurnost zemalja JE, održan u Beogradu, od 22. do 26. 9. 2008.

- c) **Informacija o održanom sastanku predstavnika Zajedničke komisije s članovima Političko-sigurnosnog komiteta Vijeća EU, 18. 9. 2008.**

Zajednička komisija primila je k znanju Informaciju o sastanku predstavnika Zajedničke komisije sa članovima Političko-sigurnosnog komiteta Vijeća EU, 18. 9. 2008.

- d) **Informacija o sastanku s vojno-političkim savjetnikom u Ambasadi SAD-a u BiH, 19. 9. 2008.**

Zajednička komisija primila je k znanju Informaciju o sastanku s vojno-političkim savjetnikom u Ambasadi SAD-a u BiH, 19. 9. 2008.

- e) **Informacija o sastanku NATO koordinacionog tima Vijeća ministara BiH, Mostar, 19. 9. 2008.**

Zajednička komisija primila je k znanju Informaciju o sastanku NATO koordinacionog tima Vijeća ministara BiH, održanog u Mostaru, 19. 9. 2008.

- f) **Informacija o prisustvu seminaru o temi „OSCE Kodeks ponašanja“, Vlačić, 9.10.2008.**

Zajednička komisija primila je k znanju Informaciju o prisustvu seminaru o temi: „OSCE Kodeks ponašanja“, održanom 9.10.2008., na Vlačiću.

- g) **Informacija o radionici o temi „Prijedlozi budžeta institucija odbrambenog i sigurnosnog sektora na nivou BiH za 2009.“, Kozara, 16. i 17. 10. 2008.;**

Zajednička komisija primila je k znanju Informaciju o radionici o temi „Prijedlozi budžeta institucija odbrambenog i sigurnosnog sektora na nivou BiH za 2009.“, održanoj 16. i 17. 10. 2008. na Kozari.

h) Informacija o radnoj posjeti Ministratsvu odbrane i strukturama civilne zaštite Republike Austrije, Beč, 23.-25.10.2008;

Zajednička komisija primila je k znanju Informaciju o radnoj posjeti Ministratsvu odbrane i strukturama civilne zaštite Republike Austrije u Beču, od 23. do 25. 10. 2008.

i) Informacija o sastanku NATO koordinacionog tima Vijeća ministara BiH, Vlašić, 23.10.2008.;

Zajednička komisija primila je k znanju Informaciju o sastanku NATO koordinacionog tima Vijeća ministara BiH, održanom na Vlašiću, 23.10.2008.

j) Informacija o sastanku s predstavnicima DCAF-a iz Ženeve, 27.10.2008.

Zajednička komisija primila je k znanju Informaciju o održanom sastanku s predstavnicima DCAF-a iz Ženeve, 27.10.2008.

k) Poziv za učešće na Drugom seminaru vojnoobavještajnog roda OSBiH, koji treba da bude održan od 26. do 28. 11. 2008. u Domu OSBiH u Sarajevu

Zajednička komisija odlučila je jednoglasno predložiti da na ovom seminaru učestvuje Adem Huskić.

l) Poziv za učešće na trening-seminaru za parlamentarne savjetnike zemalja jugoistočne Evrope, koji treba da bude održan u Ženevi, od 8. do 12. 12. 2008.

Zajednička komisija odlučila je predložiti da na ovom trening-seminaru učestvuje Željko Grubešić, stručni savjetnik u Zajedničkoj komisiji.

m) Poziv za prisustvo međunarodnoj Konferenciji za povjerenike za vojsku, koja treba da bude održana u Berlinu, od 10. do 12. 5. 2009., povodom 50. godišnjice početka rada prvog vojnog povjerenika Bundestaga

Branko Zrno upoznao je članove Komisije da je poziv za prisustvo ovoj konferenciji došlo na ime predsjedavajućeg Komisije, pa je Zajednička komisija u skladu s tim, odlučila predložiti kolegijima domova PSBiH da ovoj konferenciji prisustvuje Branko Zrno.

n) Informacija o prezentaciji i predavanju za učesnike kursa o temi „Sigurnosna politika BiH“, 4. 11. 2008.

Zajednička komisija primila je k znanju Informaciju o prezentaciji i predavanju za učesnike kursa o temi „Sigurnosna politika BiH“, održanoj 4. 11. 2008.

o) Informacija o radionici o temi: „Stanje u oblasti naoružanja i municije u BiH“, održane u Bihaću, od 28. do 30. 10. 2008.

Zajednička komisija primila je k znanju Informaciju o radionici o temi: „Stanje u oblasti naoružanja i municije u BiH“, održanoj u Bihaću, od 28. do 30. 10. 2008.

Zapisnik sačinila
Dragica Hinić

Predsjedavajući
Zajedničke komisije
Branko Zrno